



Tokom svoje karijere, bavio se političkim aktivnostima, od predsjednika Mjesne zajednice, do poslanika u Skupštini Bosansko - podrinjskog kantona Goražde. Bio je predsjednik Upravnog odbora GP „Drina“ Goražde, član UO firme „Centroprevoz“ Goražde, zatim član UO u institucijama: Centar za kulturu Goražde, RTV BPK Goražde, Planinarskog društva „Maglič“ Goražde, Izviđačkog društva BPK i Šahovskog kluba BPK Goražde, a bio je i član UO Auto-moto kluba BIHAMK Goražde. Trenutno je aktivni član Predsjedništva Saveza općina i gradova Federacije Bosne i Hercegovine.

Dobitnik je značajnih priznanja i zahvalnica kako iz naše zemlje tako i iz inozemstva a od čega se posebno izdvaja titula "Naj-načelnik FBiH 2011", te Zlatnu značku BIHAMK-a za veliki doprinos u radu samog BIHAMK-a. Učesnik je i pokretač mnogih humanitarnih akcija na širem području Bosne i Hercegovine.

Nakon što je proglašen najeuropskim načelnikom za 2011. godinu i u 2014. godini dobitnik je priznanja Europskog pokreta u BiH - "NAJBOLJI MENADŽER – NAČELNIK U FBiH 2014.", a u 2016. godini od strane Direkcije za izbor najmenadžera BiH, jugoistočne i srednje Europe za izuzetan doprinos i izvanredne rezultate u razvoju Općine i stvaranju ambijenta za biznis, savremene i efikasne općinske administracije i bolji život građana Goražda dodijeljena mu je nagrada "NAJNAČELNIK BOSNE I HERCEGOVINE ZA 2016. GODINU".

Na lokalnim izborima održanim 2008. godine građani su mu poklonili povjerenje i izabrali ga za načelnika, potom je 2012. godine reizabran na funkciju načelnika Općine, čime je postao prva osoba poslije rata kojoj je to pošlo za rukom, da bi na izborima 2016. godine bio ponovo izabran za načelnika od strane građana sa najvećim brojem glasova u historiji Općine Goražde. Danas pomaže i učestvuje u naučnim, kulturnim i sportskim aktivnostima i veoma je aktivan učesnik svih reformskih razgovora, pogotovo kada je u pitanju reforma javne uprave.

Njegovim doprinosom Općina Goražde je dobitnik značajnog priznanja "Plaketa Zlatna turistička ruža 2010. - najuspješnije turističke destinacije mala mjesta", zatim specijalnog priznanja "Zlatna jabuka" za podršku u organizaciji Privredno-kulturne manifestacije Dani jabuke, a 2015. godine na četvrtom Dunavskom biznis forumu u Novom Sadu Općini Goražde je dodijeljen "Zlatni ključ" Dunavskog biznis foruma za angažman kao otvoreni grad u privlačenju investitora, zatim za zapošljavanje i projekte međuregionalne saradnje.